

«Per quest bel chantun vuless ja m'engaschar»

Martin Bühler è il candidat da la Partida liberaldemocratica (PLD) per la regenza grischuna. Actualmain è Martin Bühler directur da l'uffizi da militar e da protezzion civila dal Grischun e schef dal stab directiv chantunal (SDC).

MARTIN GABRIEL/FMR

Sia nominaziun entras la partida l'october 2021 en l'Arena a Cazas è stada clera. Apparentmain ha la radunanza giavischà da trametter ina persuna nova cun in bun mussament da prestaziun professional en la cursa electorala, ma da l'autra vart er ina persuna che n'ha anc betg gronda experienscha politica. Il liberaldemocratic *Martin Bühler* candidescha sco successur da *Christian Rathgeb* che demissionescha la fin dal 2022 pervia da la limita dal temp d'uffizi. La FMR ha discurt cun Martin Bühler.

FMR: Martin Bühler, daco vulais Vos d'entantar cusseglier guvernativ?

Martin Bühler: Jau sun da l'idea ch'il Partenz dastga puspè ina giada tschentar in cusseglier guvernativ. Jau sun in vair Partenzer, en la politica fiss jau in representant da las regions. Per quest bel chantun vuless jau exnum m'engaschar. Il segund motiv è che jau deriv d'ina famiglia cun ina mamma ch'è stada figt activa en la politica. E la terza raschun è ch'igl ha dà persunas che m'han motivà da candidar.

«Sco figl d'ina mamma che ha fatg politica hai jau vesi tge lavur che las dunnas han fatg per esser oz là nua ch'ellas èn.»

Martin Bühler



Martin Bühler da la PLD è vegni enconuscent sco «Mister Corona», en sia funcziun sco manader dal stab directiv dal Grischun.

FOTOS SIMEIDA



Martin Bühler candidescha sco successur da Christian Rathgeb.

Tge cusseglier guvernativ fiss Martin Bühler, sch'el vegniss elegi?

Jau appreziesch las valitas liberalas ed ina politica da l'atgna responsabladad. Jau sun ina persuna che sa tadlar, evaluar e lura giuditgar. Jau emprov adina da traier a niz las fermezzas da tut ils acturs ed iniziants d'ina idea, e da diriger quella lura a favur da l'entir Grischun. Jau crai era che Martin Bühler fiss in cusseglier guvernativ che lavura gugent en il team e che sa acceptar decisziuns, era sche quellas na correspundan betg a sia opiniun persunala.

Vus vegnis d'ina posiziun da cader en l'administraziun chantunala e senza experienscha a nivel politic. E quai in avantagiu in dischavantatg per ir en in'executiua?

Quai è difficil per mai da giuditgar. Gea, igl è spezial, ma betg insatge nov en la politica. Jau persunalmain hai dentant ils davos sis onns puidi rimnar cun il coronavirus ubain era cun la bova da Bondo fitg bieras experienschas e chattar soluziuns en situaziuns difficilas. Talas situaziuns pretendan abilitads d'interprender e da prender decisziuns pragmatikas. Cun mia funcziun da manader dal stab directiv chantunal hai jau en sasez ina funcziun da clav ch'è figt adattada per far la punt en in gremi executiv.

Sper la tematica dal coronavirus han cunzunt la midada dal clima e la strategia da la forza idraulica dominà la politica grischuna dals davos dus onns. Tge accents vuless Vos dar a las tematikas dal clima e da l'energia?

Sco commember d'ina cumissiun federala che sa fatschent cun dumondas dals privels da la natira hai jau ina collaziun directa cun la tematica dal clima. Per mai a la testa dal stab da crisa chantunala è l'analisa davart las influenzas dal clima suenter ina catastrofa da la natira d'importanza essenziala. Il sguard sin tut ils aspects porta ina vista entira e mussa tge schliaziuns che fissan bunas. Tar la strategia da forza idraulica ves jau bieras fermezzas da noss chantun. En scadin cas èsi bun ch'il chantun prenda en maun ils maistrins e guarda da far diever da la scadenza da las concessiuns.

«Jau sun in vair Partenzer.»

Martin Bühler

puspè gi contact en il Mesac durant ils incendis dal guaud, ubain en il Puschlav, nua che nus avain gi ina giada ina epidemia d'animals ubain era cun la bova da Bondo en Bregaglia. Jau discur damai talian. Ils Rumantschs ed ils Talians grischuns duain s'engaschar per lur linguas. Tenor mai duvrain nus dentant in engaschament per las minoritads sur l'entir chantun.

Sper l'egalitad tranter las linguas sa stenta il chantun era per l'egalitad tranter umens e dunnas en l'administraziun. Co vuless Vos sco regent promover las dunnas per exempel en posiziuns da cader tar il chantun?

En questa dumonda n'avain nus anc betg cuntanschi la situaziun ideala. Sco figl d'ina mamma che ha fatg politica hai jau vesi tge lavur che las dunnas han fatg per esser oz là nua ch'ellas èn. Quai na basta dentant anc ditg betg. Nus avain la clera incumbensa da promover las dunnas en la politica, en l'administraziun ed en la societad. Da l'autra vart sa tracti era da procurar che la dreiga persuna vegn engaschada en il dreitg lieu.

Il candidat

Martin Bühler (PLD)

Data da naschentscha:

30 d'avust 1976

Burgais da: Fideris e Tavau

Fideris

Stadi civil:

maridà

Uffians:

Adelina (5), Maria (11)

e Timo (19)

Furmaziun:

magister e lic.phil

(scienszas politicas)

Professiun actuala: manader da l'Uffizi chantunala da militar e protezzion civila e manader dal stab directiv chantunala. (fmr/mg)

Il Grischun ha trais linguas uffizialas. Tge tenuta ha il «Partenzer» Martin Bühler envers las duas minoritads linguisticas, il rumantsch ed il talian?

Las trais culturas linguisticas è in da las pli bels stgazz dal chantun Grischun. Jan na discurt betg rumantsch, ma jau chapesch ed appreziesch fitg la cultura da las Rumantschas e dals Rumantschs. Cün il talian hai jau adina